


ALLAH
JE STVORITELJ...



ET-TEWHID
VJEROVANJE



UMMU USAME
EL-IMAN

بِسْمِ اللَّهِ الرَّحْمَنِ الرَّحِيمِ

Bismillah ir-Rahman ir-Rahim

VJEROVANJE – ET –TEWHID

1. Ko je tvoj Gospodar?

Moj Gospodar je Allah.

2. Koja je tvoja vjera?

Moja vjera je Islam.

3. Ko je tvoj Poslanik?

Moj Poslanik je Muhammed salallahu alejhi we selem.

4. Gdje je Allah?

Allah je iznad nebesa.

5. Zbog čega smo stvoreni?

Allah nas je stvorio da samo Njemu Jedinom ibadet činimo.

6. Šta je dokaz za to?

I nisam stvorio džine i ljude osim da mi ibadet čine. (Ez Zarijat 56)

7. Šta je pravo Allaha naspram Njegovih robova?

Pravo Allaha je da Ga obožavamo, i da Mu ne pripisujemo druga.

8. Šta je najvažnije što Allah naređuje?

Et-Tewhid.

9. Koji je najveći grijeh prema Allahu?

Širk (pripisivanje Allahu druga).

10. Šta znači Et-Tewhid?

Et-Tewhid je vjerovanje da je Allah jedini Gospodar kome se čini ibadet.

11. Ako te neko upita koliko kategorija ima tewhid u Allaha, subhanehu we te'ala?

Reci: Tri su kategorije tewhida:

1 Tewhid rububije (Jednoća Stvoritelja u Njegovom Gospodarstvu)

2 Tewhid uluhije (Jednoća Stvoritelja u Njegovom obožavanju)

3 Tewhid esma ves - sifāt (Jednoća Stvoritelja u Njegovim imenima i svojstvima).
Dokaz tome su riječi Uzvišenog (u prijevodu značenja): „**On je Gospodar nebesa i Zemlje i onoga što je između njih, zato samo Njega obožavaj i u tome budi istrajan! Znaš li da ima Njegovo ime iko!**“ (Merjem, 65).

11. Kojim riječima se očituje vjerovanje (Et-Tewhid)?

Očituje se sa LA ILAHE ILLELLAH (nema istinitog božanstva koje zaslužuje da bude obožavano mimo Allaha).

12. Šta znači LA ILAHE ILLELLAH?

Znači da nema istinitog božanstva koje zaslužuje da bude obožavano mimo Allaha.

TEMELJI (RUKNOVI) LA ILAHE ILLELLAH

Ove riječi u sebi sadrže negaciju i potvrdu:

Negacija: LA ILAHE (nema boga)

Kojom se negira sve što se obožava mimo Allaha, kao naprimjer: bogovi, suparnici i rivali, taguti, gospodari,..)

Potvrda: ILLALLAH (osim Allaha)

13. Koliko šartova ima šehadet (LA ILAHE ILLELLAH)?

1. Znanje (ilm) koje je suprotno neznanju

Iz Kur'ana: Riječi Uzvišenog Allaha: **"...i znaj da nema boga osim Allaha"** (Muhammed,19)

Iz sunneta: U Muslimovom Sahihu prenosi se hadis od Osmana, Allah neka je njime zadovoljan, u kojem stoji da je Poslanik, sallallahu alejhi ve sellem, rekao: **"Ko umre a zna da nema boga osim Allaha, ući će u Džennet."**

2.Ubjeđenje (jekin)koje je suprotno sumnji

Iz Kur'ana: Riječi Uzvišenog Allaha: **"Pravi vjernici su samo oni koji u Allaha i Poslanika Njegova vjeruju, i poslije više ne sumnjaju, i bore se na Allahovu putu imecima svojim i životima svojim. Oni su iskreni!"** (El-Hudžurat, 15)

Iz sunneta: Hadis koji se prenosi u Muslimovom Sahihu, a u kojem se prenosi od Ebu Hurejre, neka je Allah njime zadovoljan, da je Poslanik, sallallahu alejhi ve sellem, rekao: **"Svjedočim da nema boga osim Allaha i da sam ja Allahov poslanik. Svaki onaj koji sretne Allaha sa ovim riječima, a nije sumnjao u njih, ući će u Džennet.**

3.Prihvatanje (kabul) koje je suprotno koje je suprotno odbacivanju

Iz Kur'ana: Riječi Uzvišenog: **"Kad im se govorilo: 'Samo je Allah Bog!' – oni su se oholili i govorili: 'Zar da napustimo božanstva naša zbog jednog ludog pjesnika?'"**

(Es-Saffat, 35., 36)

- Iz sunneta: Hadis kod Buharije i Muslima koji prenose od Ebu Musaa, Allah bio zadovoljan njime, koji prenosi da je Poslanik, sallallahu alejhi ve sellem, rekao: **"Uputa i znanje s kojima me je Allah poslao su kao obilna kiša koja padne na zemlju. Plodna zemlja primi vodu i iz nje nikne trava i mnogo drugog zelenila, a neplodna zadrži u sebi vodu i Allah daje da se njome ljudi koriste: piju, napajaju stoku i zalijevaju zemlju; a padne i na druge predjele koji niti zadržavaju u sebi vodu niti iz njih nešto raste. Takav je slučaj sa onim ko je spoznao Allahovu vjeru i kome je koristilo ono s čime me je Allah poslao, ko je naučio i druge poučavao; kao i sa onim koji za spoznaju nije ni glavu podigao, niti prihvatio Allahovu uputu s kojom sam poslan."**

4.Pokornost (inkijad) u svemu što ova riječ od nas zahtjeva.

Iz Kur'ana: Riječi Uzvišenog: **"I povratite se Gospodaru svome i pokorite Mu se prije nego što vam kazna dođe..."** (Ez-Zumar, 54.).

- Iz sunneta: Hadis Poslanika, sallallahu alejhi ve sellem, koji prenosi Abdullah ibn Amr ibn 'As, Allah bio zadovoljan obojicom, u kojem stoji da je rekao: **"Svi iz mog ummeta će ući u dženet osim onih koji odbiju. A ko odbija – upitaše. Ko mi se pokori ući će u dženet, a ko mi je nepokoran, takav odbija – odgovori Poslanik."** (Buhari)

5.Istinitost i dosljednost (sidk) koja je suprotna laži.

Iz Kur'ana: Riječi Uzvišenog: **"Elif-lam-mim. Misle li ljudi da će biti ostavljeni na miru ako kažu: 'Mi vjerujemo!', i da u iskušenje neće biti dovedeni? A Mi smo u iskušenje dovodili i one prije njih, da bi Allah sigurno ukazao na one koji govore istinu i na one koji lažu."** (Al-'Ankabut, 1. – 3.)

- Iz sunneta: U Buharijinoj i Muslimovoj zbirci vjerodostojnih hadisa od Muaza ibn Džebela, neka je Allah njime zadovoljan, prenosi se da je Poslanik, sallallahu alejhi ve sellem, rekao: **"Svakoga onoga koji istinito iz srca posvjedoči da nema boga osim Allaha i da je Muhammed Njegov rob i poslanik, Allah će udaljiti od Vatre."**

6.Iskrenost (ihlas) u vjeri koja je suprotna mnogoboštvu.

Iz Kur'ana: Riječi Uzvišenog Allaha, subhanehu ve te`ala: **"Iskreno ispovijedanje vjere dug je Allahu!"** (Ez-Zumer, 3.),

- Iz sunneta: Prenosi se u Buharijinom Sahihu od Ebu Hurejre, neka je Allah njime zadovoljan, da je Poslanik, sallallahu alejhi ve sellem, rekao: **"Najpreči čovjek za moj šefa'at je onaj koji iskreno iz svog srca (ili je rekao iz svoje duše) posvjedoči da nema boga osim Allaha."**

7.Ljubav (mehabet) prema ovoj riječi i onome na što nas upućuje i zadovoljstvo s tim.

Iz Kur'ana: Riječi Uzvišenog: **"Ima ljudi koji su umjesto Allaha kumire prihvatili, vole ih kao što se Allah voli, ali pravi vjernici još više vole Allaha."** (El-Bekare, 165.).

- Iz sunneta: U Buharijinoj i Muslimovoj zbirci hadisa prenosi se od Enesa, neka je Allah njime zadovoljan, da je Poslanik, sallallahu alejhi ve sellem, rekao: **"Onaj kod koga se nađu tri stvari, osjetit će slast imana: da mu Allah i Njegov poslanik budu draži od bilo čega drugog, da zavoli čovjeka samo radi Allaha, te da mrzi da se vrati u kufr iz kojeg ga je Allah izbavio kao što mrzi da bude bačen u vatru."**

14. Šta je to Ibadet (robovanje)?

Sveobuhvatan naziv za ono što Allah voli, i sa čime je zadovoljan od riječi i djela, javnih i tajnih.

KORISTI VJEROVANJA (ET-TEWHIDA)

- Sreća na dunjaluku i ahiretu.
- Duhovni smiraj.
- Oslanjanje na Allaha.
- Primanje dove.
- Oslobažanje o svake nedaće.
- Allahova zaštita.
- Ulazak u dženet.

KOLIKO POZNAJEŠ SVOGA POSLANIKA sallallahu alejhi ve sellem

1. Kako se zove naš Poslanik sallallahu alejhi ve sellem?

Muhammed sin Abdullaha sin Abdul Mutaliba.

2. Kada je rođen Poslanik sallallahu alejhi ve sellem?

Rođen je u GODINI SLONA (godina u kojoj su vlasnici slona htijeli da sruše Kabu).

3. Gdje je rođen Poslanik sallallahu alejhi ve sellem?

Rođen je u gradu Meka el-Mukerema (Časna Meka)

4. Koliko je imao Poslanik sallallahu alejhi ve sellem kada je primio objavu?

Imao je 40 godina.

5. Šta je bilo prvo objavljeno Poslaniku sallallahu alejhi ve sellem?

Objavljeno mu je IKRE (uči).

6. Šta je nakon toga objavljeno?

Objavljeno mu je „O TI POKRIVENI“. (sura El-Mudesir)

7. Gdje je učinio HIDŽRU Poslanik sallallahu alejhi ve sellem?

Učinio je hidžru u Medinu.

8. U šta je pozivao Alahov Poslanik sallallahu alejhi ve sellem?

Pozivao je u Tewhid (da vjeruju u Jednog Jedinog Istinskog Boga Allaha).

9. Koje je najveće zlo na koje nas je upozorio Poslanik sallallahu alejhi ve sellem?

To je širk (mnogoboštvo).

10. Šta znači ŠHADET (ENNE MUHAMMEDEN ʿABDUHU VE RESULUHU) – svjedočenje da je Muhammed Allahov rob i Allahov Poslanik?

- Da budemo pokorni u onome što nam je naredio.
- Da vjerujemo u ono sa čim je poslan.
- Da ostavimo ono što je zabranio i što je prezirao.
- Da obožavamo Allaha onako kako je on to činio.

11. Nabroj žene Poslanika sallallahu alejhi ve sellem?

- Hadidža kći Huvejlida

- Aiša kći Ebu Bekra es-Sidika
- Sevda kći Zem'aha
- Hafsa kći Omera ibnu el-Hataba
- Zejneba kći Huzejmea
- Umu Habiba Remla kći ebu Sufijana
- Umu Seleme Hinda kći ebu Umejje
- Zejneba kći Džahša
- Džuvejrija kći el-Harisa
- Safija kći Huzejjea ibn el-Ehtaba
- Mejmuna kći el-Harisa

12. Nabroj sinove Poslanika sallallahu alejhi ve sellem.

- El-Kasim
- Abdullah
- Ibrahim

13. Nabroj kćeri Poslanika sallallahu alejhi ve sellem.

- Zejneba
- Rukajja
- Ummu Kulsum
- Fatima

14. Koje godine je umro Poslanik sallallahu alejhi ve sellem?

Umro je u ponedjeljak 11. godine po hidžri.

ISLAM

1. Šta je to islam?

Islam je predanost Allahu u svemu što naredio, i odricanje od širka (mnogoboštva) i njegovih sljedbenika.

2. Šta znači biti musliman?

Musliman znači biti pokoran i predan Allahu.

3. Šta je čovjek koji se pored Allaha pokorava nekom drugom božanstvu?

On je mušrik (mnogobožac).

4. Koja je vjera priznata kod Allaha?

Jedina vjera priznata kod Allaha je Islam. Sve druge vjere mimo islama su neispravne.

5. Koji su islamski šartovi?

ISLAMSKI ŠARTOVI

- **ŠEHADET** - Svjedočenje da nema drugog istinskog božanstva miomo Allaha, i da je Muhammed sallallahu alejhi ve sellem Njegov Poslanik
- **NAMAZ** – obavljanje pet propisanih dnevnih namaza
- **POST** - postiti mjesec Ramazan
- **ZEKAT**
- **HADŽ**

6. Koji su imanski šartovi?

IMANSKI ŠARTOVI

- **VJEROVANJE U ALLAHA**
- **VJEROVANJE U MELEKE**
- **VJEROVANJE U ALLAHOVE KNJIGE**
- **VJEROVANJE U POSLANIKE**
- **VJEROVANJE U SUDNJI DAN**
- **VJEROVANJE U KADR (DA SVE ŠTO SE DOGAĐA, BILO DOBRO ILI ZLO, BIVA ALLAHOVOM VOLJOM)**

7. Šta je iman?

Iman je:

- ubjeđenje srcem,

- govor jezikom,
- rad organa.
- Povećava se pokornošću prema Allahu
- i smanjuje se činjenjem grijeha

8. Šta je IHSAN?

Ihsan je da obožavaš Allaha kao da ga vidiš jer ako ti Njega – Uzvišenog – ne vidiš, On tebe vidi.

9. Dali nas Allah vidi u svakoj situaciji?

Allah nas vidi u svakoj situaciji.

10. Na koji način ćemo osjetiti slast imana?

Rekao je Allahov Poslanik sallallahu alejhi ve sellem: „Ko bude zadovoljan da mu Allah bude gospodar, islam vjera a Muhammed sallallahu alejhi ve sellem poslanik, osjetit će slast imana.“ (bilježi Muslim)

11. Šta obuhvata vjera?

Vjera obuhvata cijelokupan život.

12. Šta je istinska sreća?

Istinska sreća je u čvrstom pridržavanju Islama.

13. Dali ima mjesta u islamu onome koji ne klanja namaz?

Nema mjesta u Islamu onome koji ne klanja namaz.

14. Navedi nekoliko primjera šta sve je bitno u Islamu?

- Islam narežuje pokornost roditeljima.
- Islam je vjera samilosti.
- Islam narežuje lijepo ponašanje.
- Islam naređuje lijep odnos sa komšijama.
- Islam nam naređuje da budemo iskreni.
- Islam nam naređuje da se međusobno savjetujemo.
- Islam nam naređuje da lijepo postupamo sa životinjama...

15. Šta je Musliman Muslimanu?

- Musliman je brat Muslimanu.

16. Šta je ljubav u ime Allaha?

- Ljubav u ime Allaha je dio Imana (vjerovanja).

17. Šta još predstavlja Muslimana u odnosu do drugog Muslimana?

Musliman je onaj od čijeg su jezika i ruku mirni drugi muslimani.

18. Navedi nekoliko primjera šta nam zabranjuje vjera Islam?

- Islam nam zabranjuje ogovaranje (gibet).
- Islam nam zabranjuje da se družimo sa lošim ljudima.
- Islam nam zabranjuje da budemo oholi
- islam nam zabranjuje da se rugamo i ismijavamo sa drugima
- islam nam zabranjuje da kršimo dato obećanje, jer je obećanje dug.

19. Šta predstavlja uklanjanje nečega sa puta što smeta ljudima?


Uklanjanje onoga što smeta drugima na putu je dobro djelo (sadaka).

ALLAH JE STVORITEL...

- Vidljivog i nevidljivog
- nebesa i Zemlje
- sunca i zvijezda
- planeta, galaksija,...
- ljudi i džina
- životinja
- prirode (drveća, voća, povrća,...)
- mora, rijeka


Allah svim stvorenjima daje sve što je potrebno za život.

On je Svemogući, Milostivi, On uslišava dove.



ISLAMSKI ŠARTOVI

Islam ima 5 islamskih šartova.



1 ■ ŠEHADET

2 ■ NAMAZ

3 ■ POST

4 ■ ZEKAT

5 ■ HADŽ

ŠEHADET

ŠEHADET je uslov za pristup u vjeru. Da bi neko bio musliman potrebno je da srcem vjeruje i jezikom posvjedoči u Allahovo jedinstvo i Muhammedovo poslanstvo. Da bi neka osoba bila smatrana muslimanom od strane drugih ljudi, potrebno je da izgovori šehadet u prisustvu najmanje 2 svjedoka muslimana:

Ešheddu en la illahe ilallah we ešheddu enne Muhammeden abd'uhu we resuluhu.

Svjedočim da nema drugog boga osim Allaha, i svjedočim da je Muhammed Božiji rob i Božiji poslanik.

NAMAZ




Ezan je islamski poziv na namaz.

	arapsko	prijevod
4x	Allahu Ekber	Allah je najveći
2x	Ešhedu en la ilahe ilellah	Svjedočim da nema boga osim Allaha
2x	Ešhedu ene Muhamedun resulullah	Svjedočim da je Muhammed Božji Poslanik
2x	Haja alel salat	Dođite na molitvu
2x	Haja alel felah	Dođite na spas
2x*	El salatu hajrun min el neum*	Namaz je bolji od spavanja* (za sabah)
2x	Allahu ekber	Allah je najveći
1x	La ilahe illelah	Nema boga osim Allaha

Namazka vremena

- sabah
- podne
- ikindija
- akšam
- jacija



PAMTI:

Abdest je vjersko čišćenje muslimana prije namaza. U islamu ima više načina da se očisti:

1. al-wudu (arapski: الوضوء) je uobičajeni abdest prije klanjanja, gdje se određeni dijelovi tijela operu čistom vodom
2. tejemum je abdest čistom zemljom kad nema čiste vode
3. gusul (arapski: غسل) je *puno* čišćenje, tj. kupanje.

TABELA NAMAZA I REKATA





NAMAZ	SUNNETI PRIJE FARZA		FARZ	SUNNETI POSLIJE FARZA	
	PRITVRĐENI	NEPRITVRĐENI			
SABAH	2	-	2	-	
PODNE	2+2	-	4	2	
IKINDIJA	-	2+2	4	-	
AKŠAM	-	2	3	2	
JACIJA	-	2	4	2	NOĆNI NAMAZ + VITR
					1-11

NAČIN KLANJANJA NAMAZA PO SUNNETU ALLAHOVOG POSLANIKA, sallallahu alejhi ve sellem

Poslanik, sallallahu alejhi ve sellem, kaže.: „*Klanjajte kako mene vidite da klanjam!*“

1. DA BI NAMAZ BIO PRIMLJEN POTREBNO JE ISPRAVNO UZETI ABDEST NA NAČIN KAKO GA JE NAREDIO ALLAH, DŽELLE ŠE'NUHU:


- NIJET: zanijetiti srcem
- izgovoriti BISMILLAH
- oprati šake tri puta vodom, prvo desnu pa lijevu
- izaprati usta (desnom rukom) 3 puta
- oprati lice 3 puta
- oprati ruke 3 puta
- potrati po glavi
- potrati uši
- oprati noge 3 puta (desnu pa lijevu)



Poslije uzetog abdesta proučiti:
"EŠHEDU EN LA ILAHE ILALLAHU
VAHDEHU LA ŠERIKE LEHU VE
EŠHEDU ENNE MUHAMMEDEN
ABDUHU VE RESULUHU.
ALLAHUMMEDŽ'ALNI MINET-
TEVVABINE VEDŽ'ALNI MINEL-
MUTETAHHIRINE."

(Svjedočim da nema Boga osim jednog
jedinog Allaha, koji nema nikakva
sudruge i svjedočim da je Muhammed
Njegov rob i Njegov poslanik. Allahu
učini me od onih koji se kaju i učini
me od onih koji se čiste.)

2. OKRETANJE KLANJAČA KIBLI



Kibla je pravac, ma gdje bili. Cijelim tijelom se okrećemo kibli namjeravajući klanjanje namaza. Uzvišeni kaže:

“... i gdje god se nalazili, vi lica svoja prema toj strani okrenite.” (El-Bekare, 150.)

Poslanik, sallallahu alejhi ve sellem, u podužem hadisu kaže: “...

kada ustaneš da klanjaš upotpuni abdest, usmjeri se prema kibli, a potom donesi tekbir.“

3. PREGRADA (perda)


Sunnet je postaviti perdu „sutru“ ispred sebe kada seklanja, radilo se o imamu ili onom koji sam klanja. Pregrada imama je ujedno pregrada onima iza njega. Znači, nema prepreke za prolazak ispred safova ljudi u džematu kada postoji potreba za tim.

U hadisu od Ebu-Se'ida el-Hudrija stoji da je Poslanik, sallallahu alejhi ve sellem, rekao: ***“Ko bude klanjao, neka klanja prema perdi (pregradi) i neka joj se približi. Neka ne dozvoli nikome da prođe između njega i pregrade, a ako pokuša uprkos tome, neka mu zabrani koristeći silu, zaista je to šejtan.”***

4. IZGOVARANJE POČETNOG TEKBIRA „ALLAHU EKBER“


Poslanik, sallallahu alejhi ve sellem, kaže: ***“Nije ispravan namaz onoga ko se propisno ne abdesti, a potom ne kaže Allahu ekber.”***

Pogled klanjača treba biti usmjeren prema mjestu gdje se obavlja sedžda. Dokaz za to je hadis koji prenosi Aiša, radijallahu anha. Jedne prilike Aiša, radijallahu anha, pitala je Poslanika, sallallahu alejhi ve sellem, o okretanju (glave) u namazu, pa joj je odgovorio: ***“To je krađa kojom šejtan krade od namaza klanjača.”***




5. PODIZANJE RUKU PRILIKOM TEKBIRA

Okrenutih dlanova prema kibli treba dići ruke u visini ramena ili ušiju prilikom izgovaranja početnog tekbira i tekbira za ruku' (pregibanja), te prilikom vraćanja sa ruku'a i kod ustajanja sa prvog sjedenja.



6. VEZANJE RUKU NA KIJAMU



Klanjač na kijamu (stajanju) u visini prsa drži svezane ruke, i to tako da desna dođe preko lijeve.

Od Aiše, radijallahu anhu, i Ebu-Seida Hudrija, radijallahu anhu, prenosi se da je Poslanik, sallallahu alejhi ve sellem, svoj namaz počinjao riječima:

SUBHANEKELLAHUMME VE BIHAMDIKE VE TEBAREKESMUKE VE TE'ALA DŽEDDUKE VE LA ILAHE GAJRUKE.“

(Tebi slava pripada, Allahu moj, i uvijek si hvaljen. Blagoslovljeno je Tvoje ime, uzvišena je Tvoja veličina i nema boga osim Tebe.)

7. UČENJE EUZE I BISMILLE

Na prvom rekatu svakog namaza u sebi proučiti euzubillu, jer se navodi od Poslanika, sallallahu alejhi ve sellem, da bi prije učenja Kur'ana proučio: **EUZU BILLAHI MINEŠ-ŠEJTANIRRADŽIM.**

(Utječem se Allahu od prokletog šejtana)

Potom bi proučio bismillu: **BISMILLAHIR-RAHMANIR-RAHIM**

(U ime Allaha Milostivog, Samilosnog.)

8. PROUČITI SURU EL_FATIHU

EL-HAMDU LILLAHI RABBIL – ALEMIN. ER - RAHMANIRRAHIM.MALIKI JEVMID-DIN. IJJAKE NA'BUDU VE IJJAKE NESTE'IN. IHDINES-SIRATAL MUSTEKIM. SIRATALLEZINE EN'AMTE 'ALEJHIM GAJRIL-MAGDUBI 'ALEJHIM VELEDD ALLIN. AMIN!

(Hvala Allahu, Gospodaru svjetova, Milostivom, Samilosnom, Vladaru Dana sudnjeg. Samo Tebe obožavamo i samo od Tebe pomoć tražimo. Uputi nas na pravi put, na put onih kojima Si blagodat Svoju darovao, a ne onih koji su protiv sebe srdžbu izazvali, niti onih koji su zalutali. Uslišaj, Allahu!)

9. RUKU

Poslanik, sallallahu alejhi ve sellem, bi potom donio tekbir i učinio ruku', stavivši svoje ruke na koljena raširenih prstiju. ” Smiriti se, dakle, na ruku'u i reći:„**SUBHANE RABBIJEL-'AZIM**“ (Slavljen je moj veliki Gospodar.) ponoviti tri ili više puta.




10. VRAĆANJE SA RUKUA

Potom bi se Allahov Poslanik, sallallahu alejhi ve sellem, ispravio stojeći i rekao: **Semi'Allahu limen hamideh!** (Allah čuje onoga ko Mu zahvaljuje!) A Nakon što bi izgovorio semi'Allahu limen hamideh, Poslanik, sallallahu alejhi ve sellem, bi rekao:

Rabbena ve lekel-hamd, hamden kesiren tajjiben mubareken fihi! ("Allahu, Gospodaru naš, Tebi pripada svaka hvala, mnogom lijepom blagoslovljenom hvalom!")

11. SPUSTITI SE NA SEDŽDU



Pri položaju sedžde treba da se dotiče tlo sa sedam dijelova tijela, a to su: čelo s nosom, dlanovi ruku, koljena i prsti nogu. Poslanik, sallallahu alejhi ve sellem, je rekao: "Naređeno mi je da činim sedždu sa sedam dijelova tijela."

Poslanik, sallallahu alejhi ve sellem, kaže: "Ruke čine sedždu isto kao i lice, pa kada budete htjeli učiniti sedždu spustite svoje ruke, a kada se budete vraćali dignite svoje ruke." Potom bi skupio ručne prste, jedan do drugoga ... okrenuvši ih u pravcu kible... a njegove ruke (dlanovi) bili bi paralelni sa ramenima. Svoje čelo i nos pritisnuo bi dobro na zemlju. Koljena bi razmaknuo jedno od drugog. Ne bi naslanjao stomak na natkoljenice, a nožne prste bi usmjerio prema kibli.

Na sedždi proučiti:

„SUBHANE RABBIJEL E'ALA.“ (Neka Si slavljen, moj najuzvišeniji Gospodaru), ponavljajući tri i više puta.

12. SJEDENJE IZMEĐU DVIJE SEDŽDE

Potom bi Poslanik, sallallahu alejhi ve sellem, digao svoju glavu sa sedžde, donoseći tekbir. Poučavajući čovjeka namazu rekao je: **„... potom izgovori tekbir i digni glavu sa sedžde.“** **„... nije potpun namaz onoga ko tako ne uradi...“**


Nakon toga bi Resulullah, sallallahu alejhi ve sellem, sjeo na svoju lijevu nogu, a povio bi prste desne noge, usmjerivši ih prema kibli.

U Poslanikovom, sallallahu alejhi ve sellem, Sunnetu navodi se i drugi način sjedenja između dvije sedžde, tako da prsti obje noge budu povijeni i usmjereni prema kibli (dok stopala ostaju uspravljena i spojena kao za vrijeme sedžde), a klanjač sjedne na poleđinu svojih peta. Kada je Ibn-Abbas, radijallahu anhu, upitan o sjedenju između dvije sedžde na ovakav način, rekao je: "To je Poslanikov, sallallahu alejhi ve sellem, Sunnet."


Nakon što bi se Poslanik, sallallahu alejhi ve sellem, digao sa prve sedžde u sjedeći položaj, rekao bi: **“RABBI-GFIR LI** (3 puta).” (Gospodaru moj, oprosti mi.)

Obaviti i drugu sedždu izgovarajući tekbir i učiniti je kao i prvu.
Dići glavu sa sedžde uz tekbir (Allahu ekber).

13. TEŠEHUD (prvo sjedenje u namazu)



Nakon obavljenog drugog rekata sjesti i obaviti tešehhud, onako kako se prenosi da je sjedio Allahov Poslanik, sallallahu alejhi ve sellem. To je sjedenje pri kome se sjedi na ispruženom stopalu lijeve noge, pri čemu se stopalo desne noge drži uspravno. Pri tome se dlan lijeve ruke, ispruženih prstiju, drži na koljenu lijeve noge, a prsti desne ruke, osim kažiprsta, drže stisnutim. Ispruženim kažiprstom desne ruke pokazuje se dok se uči **ettehijjatu**, jer se od Allahovog Poslanika, sallallahu alejhi ve sellem, prenosi da bi, kada bi sjeo na tešehhud, desnu ruku stavio na stegno desne noge, a lijevu na stegno lijeve i pri tome pokazivao kažiprstom desne ruke. U drugim, sahih predajama, navodi se da je Allahov Poslanik, sallallahu alejhi ve sellem, spojio vrh palca sa vrhom srednjeg prsta, načinivši halku. Pokazivao je kažiprstom, a pogled mu je bio usmjeren u njega tako da mu pogled ne bi prelazio kažiprst. Ponekad bi digao svoj kažiprst i pomjerao ga, doveći njime. Ukoliko se radi o namazu sa dva rekata, kao što je sabah, na tom sjedenju će poslije et-tehijatu proučiti i salavate sa dovom, a nakon toga predati selam okrećući se prvo na desnu, a zatim na lijevu stranu, izgovarajući: **"Es-selamu alejkum ve rahmetullah"**



pri svakom okretanju glave. Kaže Poslanik, sallallahu alejhi ve sellem,: "Ključ namaza Tešehhud (Et-Tehijjatu) Ibn-Mes`uda, radijallahu anhu, kojem ga je poučio Poslanik,


sallallahu alejhi ve sellem, glasi:

“ET-TEHIJJATU LILLAHI VES-SALAVATU VET-TAJJIBATU. ESSELAMU ALEJKE EJJUHEN-NEBIJU VE RAHMETULLAHI VE BEREKATUHU. ES-SELAMU ALEJNA VE ALA `IBADILLAHIS-SALIHIN. EŠHEDU EN LA ILAHE ILJALLAH VE EŠHEDU ENNE MUHAMMEDEN ABDUHU VE RESULUH.

(Najljepša počast Allahu, blagoslovi i dobra; Selam tebi, Vjerovjesniče, i Allahova Milost i Njegove blagodati. Mir nama i dobrim Allahovim robovima. Svjedočim da nema boga osim Allaha i svjedočim da je Muhammed Njegov rob i Njegov poslanik.)


POST

- Postimo se u mjesecu RAMAZANU.
- Na početku ramazana vidimo mlađak (mlad mjesec)
- Sehur nam donosi bereket.
- Obavljanje namaza.
- Ramazan je mjesec Kur'ana.
- U Ramazanu dajemo sadaku.
- Iftarimo kada nastupi akšam.
- U Ramazanu se klanja teravih-namaz.
- U Ramazanu dajemo SADEKATUL-FITR.
- Bajram se klanja u džamiji ili na otvorenom – musali.



ZEKAT

- Zekat je obavezno davanje dijela imetka.
- Zekat se daje na novac koji prelazi određeni iznos. Taj iznos se naziva NISAB.
- Zekat se daje i na srebro i zlato
- Daje se i na poljoprivredne proizvode.
- Također se daje i na stoku.
- Zekat se daje i na trgovačku robu.
- Daje se i na rudna bogastva, kao na blago koje se pronađe.uz ramazan se daje sadekatul-fitr.
- Davanjem zekata izražavamo zahvalnost Allahu na Njegovim blagodatima.
- Musliman mora zarađivati na halal (dozvoljen) način, i dijeliti samo ono što je na takav način stečeno.
- Zekat povećava i oplemenjuje imetak.



ZEKAT ČISTI NaŠ IMETAK




HADŽ

- Hadž je stroga obaveza (farz) za onoga ko je u stanju obaviti ga.
- Odjeća u kojoj se obavlja hadž zove se **IHRAM**. Nose ga muškarci.
- Hadžije uče **TELBIJU**:

**„LEBBEJKE ALLAHUMME LEBBEJK LEBBEJKE
LA ŠERIKE LEKE LEBBEJK INNEL HAMDE, VENNI'METE
LEKE VEL MULK. LA ŠERIKE LEK.”**

Prijevod: „Odazivam Ti se Allahu odazivam.
Odazivam Ti se Tebi nema ravna odazivam Ti se.
Zaista sva hvala i blagodati i vlast samo Tebi
pripadaju. Tebi nema ravna.“

- obilazak oko Ka'be (ar. **TAVAF**) i obavlja se 7 puta
- namaz kod **MEKAMI-IBRAHIMA** u blizini Kabe
- pijenje **ZEMZEM** vode
- hodanje između Safe i Merve(ar. **S'AJ**)
- boravak na Arefatu, Mini i Muzdelifi
- bacanje kamenčića na džemretima
- noćivanje na Mini
- klanje kurbana
- **KURBAN BAJRAM**
- brijanje glave
- često spominjanje Allaha



IMANSKI ŠARTOVI

VJEROVANJE U ALLAHA

-
- **VJEROVANJE U ALLAHOVE KNJIGE**
- **VJEROVANJE U POSLANIKE**
- **VJEROVANJE U SUDNJI DAN**
- **VJEROVANJE U KADR (DA SVE ŠTO SE DOGAĐA, BILO DOBRO ILI ZLO, BIVA ALLAHOVOM VOLJOM)**

VJEROVANJE U MELEKE

Meleki su Allahova stvorenja koja je on stvorio od svjetlosti.

Nisu ni muško ni žensko.

Meleki su Allahu swt pokorna stvorenja koja Allahu ne mogu činiti nepokornost i koji ne mogu činiti grijeh.

Meleka ima puno vrsta i svaki od njih ima svoj zadatak koji im je Allah swt povjerio.

Tako među njima ima onih koji su zaduženi za vahj _ objavu _ to je Džibril a.s. On je dostavljao objave Allahovim vjerovjesnicima.

Meleki posjeduju ogromnu snagu i moć kako bi mogli izvršavati od Allaha povjerene funkcije.

Sljedeća odlika i svojstvo meleka jeste posjedovanje moći spuštanja i dizanja na nebesa bez sila i sudara.

Svojstvo meleka je i da imaju krila, a Džibril a.s. ih ima šeststo.

Osobina meleka je da mogu uzimati druge oblike

Melek koji je zadužen za vremensku pogodu ili nepogodu je Mikail a.s.

Sljedeći od meleka je melek koji je zadužen za SUR _ to je melek koji se zove Israfil a:s

Melek koji je zadužen za uzimanje duša. On se zove melek smrti - nije Azrail

Sljedeći od meleka su meleki koji su zaduženi za čuvanje djela. To jest za pisanje djela svakog roba. A oni se zovu Kiramen Katibin - cijenjeni pisari:.

Zatim su meleki koji su zaduženi za čuvanje roba i čuvaju ga shodno njegovim djelima

Sledeći od meleka koje je Poslanik savs spomenuo jesu meleki koji su zaduženi za kabursko iskušenje. A oni su Munkir i Nekir. Poslanik savs je rekao da su oni crno-plavi meleki. Oni dolaze svakom čovjeku u grob i postavljaju mu tri pitanja (ko ti je Bog, ko ti je poslanik i koja ti je knjiga - vjera)

Nakon toga postoje meleki, čuvari Dženneta, a na čijem je čelu Ridvan a.s.

Zatim postoje meleki koji su zadužene da obraduju mumina vjernika prilikom njegove smrti

Kako postoje meleki koji su čuvari Dženneta, tako postoje meleki koji su čuvari Džehennema. Poznati pod imenom Zebanije, a čiji je predvodnik Malik a.s.

Postoje meleki koji nose Arš. Ovi meleki su ogromni.

Nakon toga postoje i meleki koji su zaduženi za traženje halki zikra. Ima poznati hadis koji govori o tome pa kada nađu takvu halku zaustave se i spuštaju svoja krila na halku i spominju te kod Allaha swt.

Postoji melek koji je zadužen za brda

Postoje i meleki koji samo obožavaju Allaha swt

Imaju i dva meleka Harut i Marut. Njih dvojica su spomenuti u Kuranu u suri el Bekare. Ova dva meleka je Allah swt zadužio za iskušenja ljudi.

Ima i posebni melek kojeg je Allah swt zadužio pa Poslaniku savs prenosi naše selame.

VJEROVANJE U ALLAHOVE KJIGE


ZEBUR – objavljen Davudu a.s.

TEVRAT – objavljen Musi a.s.

INDŽIL – objavljen Isa-u a.s.

KUR'AN – objavljen Muhammedu s.a.v.s.

POSLANIČKO STABLO



NAJODABRANJI I POSLEDNJI POSLANIK



POSLANICI SA OBJAVOM



POSLANICI



SINOVI



REDOSLIJED POSLANIKA



ALLAHOVA KNJIGA

VJEROVANJE U SUDNJI DAN

Jevmul-din (ar. نـيـدـلـا مـوـي) (doslovno **Dan vjere** ili **Sudnji dan**), naziva se još i **Jevmul-kijame** (ar. قـمـايـقـلـا مـوـي) (**Dan proživljenja**) i **Es-Saa** (Sat).

Slijed događaja u kome će nastupiti uništenje svega što postoji i usmrćenje svih živih bića nakon čega slijedi ponovno proživljenje a zatim suđenje ljudima i Džinima za djela koja su činili u toku života. Ništa neće biti izostavljeno, niti jedan atom dobra ili zla. Allah će svakom čovjeku pojedinačno apsolutno pravedno suditi. Oni koji su činili dobra djela ući će u Dženet, a oni koji budu činili zlo bit će kažnjeni Džehennemom.

Kur'an na mnogo mjesta govori o Sudnjem danu pa kaže da će tog dana doći do velikog zemljotresa, da će se čovjek čuditi govoreći "šta joj je", brda će se rastaviti i razliti kao rastopljen med, sunce će stati, a potamnjeni mjesec će se sa njim spojiti, zvijezde će pasti izgubivši svoj sjaj, brda će se razbiti u čestice, grobovi će se otvoriti, truba (rog) će odjeknuti i svaka duša će doći pred Stvoritelja, nevjernici će biti modri, izudarani, slijepi a vjernici sretni i radosni. Zatim će truba opet se začuti i svi će stajati pred svojim Gospodarom i dobit će knjigu svojih djela...

"I vidjećeš sve narode kako na koljenima kleče; svaki narod biće prozvan prema svojoj Knjizi: "Danas ćete biti nagrađeni ili kažnjeni prema tome kako ste postupali!" (Kur'an 45-28)

VJEROVANJE U KADR (DA SVE ŠTO SE DOGAĐA, BILO DOBRO ILI ZLO, BIVA ALLAHOVOM VOLJOM)

Obavezno je vjerovanje u kader - da sve što se zbiva, bilo dobro ili zlo, Njegovom je voljom. To podrazumijeva i potvrdu da sve što se događa na nebesima i na Zemlji biva Allahovim određenjem i da se sve što je Allah odredio mora desiti. Zbog toga čovjek treba znati da je Allah odredio dobro i zlo prije nego je stvorio stvorenja i da je sve što postoji Njegovom odredbom i kako On želi. Svaki događaj u svijetu je Njegovo djelo i nikoga drugog a čovjek ima snagu i djelo i slobodnu volju na osnovu kojih zasluži nagrađu ili kaznu. Kaže Uzvišeni Allah:

"Svaki čovjek će toga Dana prema zasluži kažnjen ili nagrađen biti; toga Dana nepravde neće biti." (Gafir, ajet 17)

